

欽定全唐文

欽定全唐文卷二百四十一目錄

新文藝出版社藏書

宋之間

二

早秋上陽宮侍宴序

奉勅從太平公主遊九龍潭尋安平王宴別序

奉陪武駙馬宴唐卿山亭序

三月三日奉使涼宮雨中禊飲序

上巳泛舟昆明池宴宗主簿席序

宴龍泓詩序

春遊宴兵部韋員外韋曲莊序

送懷州皇甫使君序

送尹補闕入京序

三月三日於灞水曲餞豫州杜長史別昆季序

送裴五司法赴都序

袁侍御席餞永昌獨孤少府序

春夜令狐正字田子過弊廬序

爲太平公主五郎病愈設齋歎佛文

祭王城門文

祭楊盈川文

爲兗州司馬祭王子喬文

爲宗尚書祭梁宣王文

爲宗尚書兄弟祭魯忠王文

爲韋特進已下祭汝南王文

祭杜學士審言文

祭禹廟文

欽定全唐文卷二百四十一

宋之間

二

早秋上陽宮侍宴序

臣聞神器至大非聖無以光臨寶位至尊非神無以長守我金輪聖神皇帝垂妙覺撫鴻勲出軒宮而鎮紫微卷翬衣而襲元充釋栗祝網萬族咸寧革故維新五刑不用潤玉律而含元氣轉金渾而調順晷窮荒極遠重譯左言之俗負阻憑危背德殊風之類莫不厥角稽顙執贊來庭烟火通於萬方車書混於千界慶延八室享配於明祇辟水

三雍講論乎道義麟鳳薦祉龜龍奉圖石銘顯瑞於郊畿  
玉書告祥於宮掖以日繼月紛綸歲蕤竹帛書之而未窮  
夷夏歌之而不極聖人之具品周矣天子之能事畢矣自  
千古以下迄於梁隋何功於人比我全德於是寧宴坐展  
豫遊順四時乘六辨先王洛食上帝河都樞機正於域中  
雨露均於天下徒觀其離宮別殿彌複道而亘南端高閣  
重甍瞰崇墉而連北斗滄洲曉氣化爲宮闈之形闔闔秋  
風亂起金銀之樹降璫輿而式燕簪繙凝嚴披鏤檻而昇  
高山河在目參光有地遊日月於天邊睨遠無窮見城池

於掌上四達分九重之路積樹捎雲雙莖當鐵鎖之橋流珠耿漢霞漿玉醴與湛露而俱傾鳳管龍絲雜商飈而共奏聖皇乃望芝田賦葛天和者萬唱者千乃命小臣編紀衆作流汗拜首而爲序云

奉勅從太平公主遊九龍潭尋安平王宴別序

安平王地惟藩翰才實宗英懸鵠鏡於胸懷運龍泉於掌握以爲時和政理實探道之期賤物貴身尚延齡之術悠然遠覽迺卜茲山屬聖主之能仁遂賢王之雅好羅紈罷御與朱邸而長辭金玉滿堂棲白雲而不顧巖石信美結

構多奇錦壁周庭以造天玉泉注戶而鳴壑三光貝樹影  
入山窗九節菖蒲光搖砌水竹林茅宇自冥棲隱之心藥  
物圖書即有靈仙之氣人惟帝念巖穴所以增輝地入王  
家樵採尤其不犯嗟乎林棲谷飲古亦有之豈有貴而爲  
王鍊形雲壑希世獨立萬古誰鄰子晉以來一人而已羣  
公等閒紫泥之寵命藉清溪之逸游駐驂步巖石銜落  
花而聽時鳥累宿忘歸蔭芳樹而弄春泉窮年不厭衣冠  
車馬明日下於春山鬻鶴笙歌今宵共乎芳月隱淪可作  
將知心與事違城闕非遙終惜風流雲散下官少懷微尚

早事靈邱踐疇昔之桃源留不能去攀君王之桂樹情可  
何之請人賦一言俱裁六韻

奉陪武駙馬宴唐卿山亭序

一人御歷乾坤盡覆載之功四海爲家朝野得歡娛之契  
若乃侯門向術近對城隅帝子垂休時過戚里銀鑪絳節  
辭北禁而渡河橋駿馬香車出東城而臨甲第林園洞啟  
亭壑幽深落霞歸而疊嶂明飛泉灑而迴潭響靈槎仙石  
徘徊有造化之姿苔閣茅軒髣髴入神仙之境芳醪旣溢  
妙曲新調林園過衛尉之家歌舞入平陽之館是日也涼

陰稍下溽暑將闌前階晚而白露生後池夕而秋風起重茲行樂欣陪駟馬之遊繼以望舒不頓六龍之轡爰命牋札咸令賦詩記清夜之良遊歌太平之樂事各探一字先成受賞云爾

三月三日奉使涼宮雨中禊飲序

三月上已有祓除禊飲者成俗久矣摯虞對而不經束誓言而有禮漢庭故事衣冠就元霸之橋晉國遺風輜輶耀翠媯之浦興秦宮者我大周之所建也境連伊塞岸隔河都清暑必在於三伏沫寒疑不踰於十里占星已畢擢仙

闕而威百神匪日將成宜聖皇而福四海吾儕恭興路寢  
初忝雲輶違北京之宴樂坐南山之霧雨相與會良友陶  
暮春席幽林觴曲水是日也雜英初發羣物半榮春逶迤  
而上山雪嶽峯而藏谷高人一坐杞梓交陰作者肆筵芝  
蘭同氣遞襲歌詠不登絃管嵇叔夜之鳴琴偏依綠竹郭  
子期之春酒本出青山論史可聽談元愈默不覺齊萬品  
溢九圍愛流波惜遲景顧眄相謂雖非巢許之間左右同  
聲盍各巖泉之助請染翰操紙賦詩言志人探一言俱題

四韻

上巳泛舟昆明池宴宗主簿席序

僕不遊於茲十有五載矣心由物感遐矣不忘跡爲事牽  
近而難挹南陽宗鬯文通學古器重名高令君有奉倩象  
賢丞相生元成邁德暮春修以文之會上已邀祓禊之遊  
乃結緝紳撰清辰殷殷轔轔歛霧驚塵望於昆明之濱觀  
其大浸川陸博資畿甸鳬鷺發海來往沈浮日月麗天東  
西出入千年珍館無復豫章四面金隄仍同樹杞是日也  
駕肩錯轂備朝野之歡娛袵服靚妝匝都城之里閈翠幕  
星布錦帆霞屬餘憑下醉於綃人新聲遠聒於川后縱目

遐覽識皇代之承平得意同歸有吾儕之行樂高明一座  
桂樹叢生君子肆筵玉山交映東晉以言談得俊張華以  
史漢先鳴登旨酒而無荒絃清琴而自逸於是涉連榻命  
孤舟桃水漲而浦紅蘋風搖而浪白逼匡阜兮遵彭蠡邈  
矣載浮指衡岳而超洞庭眇焉疑到曲島之光靈乍合神  
魂密遊中流之萍藻忽開龜魚潛動睇鏤鯨而鼓掉共看  
燒劫之灰厯牽牛而問津欲取支機之石晴光劃野有象  
而必形夕陽照山無奇而不見思溢今古心搖草木漢家  
城闕遺之以雜霸之風秦塞膏腴潤之以太平之色景窮

勝踐歸限嚴闔思染翰於上林願揮戈於濛汜主稱未醉  
惟見馬駐浮雲賓共少留自有魚銜明月宮商待叩羣公  
之獲助已多序引先題下走之求蒙不逮請授素幅以頌  
佳遊使一時之興詠遙存千古之姓名常在

宴龍泓詩序

玉樹涼臺之側丹谿洞壑之傍靈聖之所往還蛟螭之所  
潛伏飛泉鶴挂躡江隅之七里曲磴龍盤架彭門之九折  
潭如月映狎之者無從石似霞開陟之者莫曉斜馳洛邑  
徑路接於風煙却枕寒郊年代成乎今昔羣公以乘星辰

止納言以捧日來遊雖復八舍七車情每存於野託貂冠  
鵠印志彌尚於幽尋探勝迹而忘疲對良朋而不倦於是  
藉纖草挹清樽咀芝朮浮蘭桂同謝客之山行類淵明之  
野酌時臨夏首繡羽轉而添歌序屬春餘丹花舒而助笑  
相趨動色縱賞飛談覩軒蓋而爲輕悅薜蘿而是重兀然  
而醉心已合於大道悅爾而醒迹暫均於小隱物外之興  
致斯遠俗中之囂塵自隔此之嘉會僉曰難逢曹子建七  
步之才論情實愧江文通五色之管豈宜虛擲

春遊宴兵部韋員外韋曲莊序

長安城南有韋曲莊京郊之形勝也却倚城闕朱雀起而爲門斜枕岡巒黑龍臥而周宅賢臣作相舊號儒宗聖后配元今爲戚里韋大官雙珠絕價百金懿名文華得俊於陸氏兄弟掩譽於荀家先人結廬當大厦之地衆賓連袂乘暮春之月觀其奧區一曲甲第千甍冠蓋列東西之居公侯開南北之巷羸女樓下吹鳳降於神仙漢妃館前濯龍走其車馬地靈磊落而閒出天爵蟬聯而相繼拜郎起草襲鴈而傳羔補袞司槐送伯而迎季爾乃闢虛幌敞華筵閨門之秀士咸集京邑之清流畢萃萬株果樹色雜雲

霞干畝竹林氣含煙霧激樊川而縈碧瀨浸以成陂望太  
乙而鄰少微森然逼座尚書未至曳履驚鄰宮尹遞來鳴  
騶動壑登玉俎醉金觴地高而珍物雖豐理洞而清徽不  
雜以醉觀德因談獲情外戚遨遊自攜歌吹主人賞會但  
有琴詩於是下高臺陟曲沼鋪落花以爲茵結垂楊而代  
幄霽景含日晚霞五彩而丹青韶望卷雲春膏一色而凝  
黛景闌興逸氣清心遠仰大儒之肆其德可師入處士之  
廬斯人若在諷誦於逸彭之藻沐浴於扶陽之墟向來挹  
清議擅風流即事奇偉佳辰行樂安可無述文在茲乎鄧

國善誘詞宗見收士末內史禊亭之集竊倚琳瑯衛尉別業之遊濫先題目歸軒莫駐麗城將掩拙而不速恨無倚馬之才婉而且微請談雕龍之什公命賦水字盍成四韻云爾

送懷州皇甫使君序

甸服三百里共京都參化良吏二千石與天子分憂覃懷奧區必寄能者皇甫使君累司寵職夙著香名威惠厯刺於外臺風流載款於京國議者應南宮之象實謂光朝使乎奏西河之能更勞爲郡襜帷即路供帳出郊宿雨碧滋

浮漢城之氣色朝陽紅景入太山之草樹新豐美酒不換  
離心函谷重關能搖別恨河內未理暫借寇恂賴川旣輯  
佇歸黃霸廟堂側席羣公以尚義相高川陸分途我輩以  
贈言爲貴況筵開灞岸路指太行請居人贈王粲之詩去  
者留阮公之作

送尹補闕入京序

河間尹公博物君子解褐調慈州司倉白雲在天不樂爲  
吏有竹林近廓杜南山彈琴讀書日益淪放雖道貴物外  
久無世情身退名高再顯天爵遂使公卿舉手羔鴈成羣

無何勅書到秦徵詣函洛天子以其老成達學昂藏有古人風命典著書職在補闕時議以謂伯喈得召仲甫登聞既而藉馬入關西攜老幼重見喬木載馳舊山念出處事違居人惜別離車將遠凡我同志賦詩贈行

三月三日於灞水曲餞豫州杜長史別昆季序

上已佳遊近郊春色朱軒映野見東流之祓禊白雲在天  
愴南登之送別杜長史言辭灞瀝將適荆河戀舊鄉之喬  
木藉故園之芳草鵠原四鳥是日分飛輿泉二龍此時云  
遠綠潭一望青山四極秦人去國乘右輔之修途洛客思

歸憶東京之曲水請染翰操紙即事形言各賦蘭亭之詩

咸申葛陂之贈

送裴五司法赴都序

夫有別必感今昔共之蓋理迫聚散事均窮達望秦是斷腸之所況念故園懷洛多掩涕之人更分良友裴五官業傳河寶才誕岳靈彩思有神鬚眉若畫一日不見鄙懷都生千里送歸風流忽遠朝英出餞迴北走於郊隅野墅銷霧引南山於庭際客飲恨而歡促席含情而景遲目喬樹之將華青門戀舊背芳萱之稍吐金谷逢春舉杯伊何願

君軫之少駐賦詩於是旌予志之所之敢謂座賓盍宣離唱

袁侍御席錢永昌獨孤少府序

春其暮兮勞志士之幽嘆友其行矣結吾徒之遠悲豈不以時物歲華好事者賞而不足名流才子相歡者懷而不見河南獨孤冊風儀松竹詞賦雲泉清議多南史之才選署半北部之慰袁侍御風霜利器金石宏材執憲稱柱下之雄禮士採域中之俊爾乃選辰開宴考地疏筵落花覆沼懸藤掃砌竹林以清氣娛賓蘭畹以芳心愛客環坐三

尺起君子之風祖道百壺酌賢人之酒去留交軫舞詠相  
喧管召魚樂杯薰鶯醉此時奚怨盛集無何是日增悲韶  
芳亦盡啼鳥送晚遙棲御史之林班馬嘶歸近送舍人之  
驛夫登高動詠贈遠形言豈鄙懷之庶幾乃羣公之事業  
盍請離唱用貴洛陽之紙焉人採一言各題四韻

春夜令狐正字田子過弊廬序

田二官考室潁陽令狐九閑居渭濱徵君太守世業相親  
洛邑秦京道遊非遠春山採藥揖二子之高蹤夜月迴車  
入故人之窮巷闢書幌卷琴帷綠竹一叢清風三尺幽吟

所託遊仙招隱之詩嘉話伊何丹邱白雲之事焚枯未薦  
飽我以老氏之言舉白無譁醉予以胡邱之說池塘潤於  
時雨衣巾漸於和氣蘭欲芳而逼人林將曙而催鳥嗟乎  
語默恒理聚散何常請揮翰寫心用旌厥事使嵩高洞裏  
記茲夕之當歌太白巖中念今宵之秉燭共編四韻貽諸  
好事云

爲太平公主五郎病愈設齋歎佛文

至矣哉釋迦之本願也念起於大悲業成於廣濟代俗以  
積迷爲用有感斯通衆生以諸病作身至誠能愈我鎮國

太平公主娥靈襲彩女曜聯英戒環佩於中閨邑山河於  
外館位彌高而迹彌下保是洪猷身日貴而心日微由乎  
夙植全其忠孝頌美於家邦宜爾子孫理歸於福壽第五  
子某官某才光性與慧發生知山桂含芳而逼人階蘭吐  
秀而驚俗頃以寒暄稍改保攝微乖留臥玳瑁之牀陪侍  
鳳凰之宇公主上祈妙福蒙降慈恩漢賜黃金還依膝下  
隋珍明月再入掌中今者上報慈恩大張名供於是披甲  
第闢梵筵幢蓋乘空而下來龍象接武而爰集迴供純陀  
之國求饌香積之宮麪爲邱而蔽庭酪爲沼而環砌龍王

獻水噴車馬之埃塵天女散花綴山林之草樹無邊之施  
下飽於三塗普救之心傍寬於六趣伏願以斯妙福上薦  
聖朝應天皇帝長保金圖永臨璿極九族既睦祛其有漏  
之緣萬人以安不捨無生之見順天皇后慶垂椒掖德盛  
蘭宮國風流洽於鵲巢坤儀光贊於龍辰皇太子業躋聖  
敬本固元良諸王公主等擢秀本枝崇榮湯沐三槐九棘  
庶職羣寮咸維赤縣之圖共翼青雲之紀備該空有遍燭  
幽明俱超解脫之津永拔輪迴之地

祭王城門文

維長安二年歲次月日司禮主簿宋某謹以清酌之奠敬  
祭於故宮尹丞太原王君之靈惟靈顯考抗志恬漠九辟  
奚顧一邱自樂行擬巢由言重許郭粵我先人比德同道  
理闡探索詞源論討翰墨具存有真有草古人之言朋友  
世親王氏兄弟既義且仁撫我則厚莫殊天倫粵我幼蒙  
哀纏岵屺急難相顧若出諸已聞過必箴見善斯喜盛德  
之後昔聞其昌之子壯年朱紱始光賀者在門哭者在堂  
慰君之兄撫君之子郭門祖祭平生已矣問天何言閑恨  
泉裏嗚呼哀哉尚饗

祭楊盈川文

維大周某年月日西河宋某謹以清酌脯羞之奠敬祭於  
楊子之靈曰自古皆死不朽者文北河流液西岳吐雲叶  
神通契降精於君伏道孔門遊刃諸子精微博識黃中通  
理屬詞比事宗經匠史玉璞金渾風搖雲起聞人之善若  
在諸已受人之恩許之以死惟子堅剛氣陵秋霜行不苟  
合言不苟忘大君有命徵子文房余亦叨忝隨君頡頏同  
趨北禁并拜東堂志事俱得形骸兩忘載罹寒暑貧病洛  
陽裘馬同弊老幼均糧自君出宰南浮江海余嘗苦饑今

日猶在之子妙年香名早傳從來金馬夙昔崇賢門庭若  
市翰墨如泉千載之後聞而凜然死而不亡問余何傷傷  
予命薄益友零落生平之言幽顯相託痛君不嗣匪我孤  
諾君有兄弟同心異體陟岡增哀歸葬以禮旅櫬飄零於  
洛之汀我之懷矣感歎入冥見子之弟類子之形悼往心  
絕慰存涕盈古人有言一死一生昔子往矣追送傾城今  
子來也乃知交情惟郭是戚有崔不易來哭來祭哀文在  
席帷席可依冰雪四滿家人哀哀賓徑微斷今我傷悲情  
慙昔時子文子翰我緘我持子宅子兆我營我思子有神

鑒我言不欺我有絮酒子其歌之我亦引滿儻昭神期魂  
兮歸來聞余此詞

爲兗州司馬祭王子喬文

維大唐神龍二年歲次甲子月日前大中大夫行兗州都  
督府司馬王某謹以清酌之奠敢昭告於仙君之靈夫惟  
仙君神化寥廓昔爲葉寧莅此郢郭謁帝乘鳬賓天控鶴  
玉以爲棺言降楚鄉土自成壠人知東岡靡靡行邁邑過  
諸梁實感我先顧慕增傷載馳載奔于陵于谷迺披蔓草  
式敬喬木孰不懷古誰非後昆靈胄日衰遐心莫存逮及

仙伯復茲道門小子實幸忝惟枝孫華陽舊里緜氏新宅  
二君爰創百代不易豈無沃土永守遺跡有鳥有鳥歸來  
何斯緬惟此地登真之基願考俠室樹茲豐碑有志未就  
靈其祐之尚饗

爲宗尚書祭梁宣王文

維大唐景龍元年歲次丁未十月乙未朔四月戊戌兵部  
尚書宗楚客弟將作大匠秦客等謹以清酌庶羞之奠致  
祭於梁宣王之靈惟王神岳降靈英姿濟代在周錫梁社  
之寵翊唐有代邸之勲不謂業在必安而釁生非意賊臣

結黨大顯宸闈逆子弄兵輕誣懿戚密謀奉主惟以國家爲心飛禍及門翻令父子併命九重軫念悼舟檝之堙沒百辟興嗟愴衣冠之殄瘁楚客等早承輝眄夙忝娛遊姻屬謬接於葭莩兄弟竊方於鴈序叨列五等同事兩朝昔以高義銘心今猶德音在耳嚴慈永往伯季凋零友睦申於長妹成立冀於猶子而家不悔禍俱斃仇人入私庭而痛深過王門而悲極竹池舊賞看鴈驚之猶歸蒿里新歌恨天人之永逝嗚呼哀哉九原撰日萬古營魂士悲高駕帝慟津門殞賢輔而星坼害良臣而霧昏想平生之如在

庶髡鬱於斯樽尚饗

爲宗尚書兄弟祭魯忠王文

維景龍二年歲次戊申月日兵部尚書楚客弟將作大匠  
秦客等謹以清酌之奠敢昭告於魯忠王之靈惟王寶構  
因地瑤林肅天靈資海岳質冠神仙德潤猶雨機清若泉  
不孤大造翻推少年百身豈贖四序云變慈軫玉辰悲盈  
金殿令德彌秀徽容難見悼前歲之今日共銜酸於隙電  
錦鸞失偶臺鳳悲隻玳席賓空金鄉戶闌徑不踐兮苔紫  
庭不遊兮草碧敢申賦於童眇痛平生之姻戚嗚呼哀哉

鴈池送夏馬埒迎秋露白天淨雲低隴愁恨名王之淪枉  
悲促運之浮休蓄哀思而成泣憑聰明而致羞小山一平  
兮多桂樹故人雖在兮罷蘭遊心追往而將絕淚橫目兮  
難收嗚呼哀哉尚饗

爲韋特進已下祭汝南王文

維大唐景龍二年歲次戊申月日某官某等謹以清酌之  
奠祭於汝南王之靈相門踵德王實挺生天資溫克神與  
聰明人稱玉樹我嗣金蘢芝庭欲秀桂林將逐惟彼鴈堂  
墜茲鴻陸魅奪精氣墳迷草木漢皇纂錄周母參功夷夏

昭洗幽明感通九魂見日一葉隨風孝極先妃丹旐前歸  
慈殷諸季素旐相次楚毗啜泣秦人下淚荆分自久棟落  
無餘悲炎海之下制惟觀津之上書鳶忌南而跕水鴈愛  
北而隨車嗚呼凡在枝戚銜恩極遍寵賁濯龍榮分化薰  
獨傷元子冥寞無見玉宸下感金屋增悲珠亡禍速沙崩  
慶遲綠車爲贈黃泉各思官舍攸止先塋甫託齊國返葬  
隨原可作靈之歸來無惑甌駱尚饗

祭杜學士審言文

維大唐景龍二年歲次戊申月日考功員外郎宋之間謹

以清酌之奠敬祭於故修文館學士杜君之靈嗚呼位曰  
大寶才曰天爵辭業備而官成名聲高而命薄屈原不終  
於楚相揚雄自投於漢閣代生人而豈無人違代而咸若  
運鍾唐虞崇文寵儒國求至寶家獻靈珠後復有王楊盧  
駱繼之以子躍雲衢王也才參卿於西陝楊也終遠宰於  
東吳盧則哀其栖山而臥疾駱則不能保族而全軀由運  
然也莫以福壽自衛將神忌也不得華實斯俱惟靈昭昭  
度越諸子言必得俊意常通理其含潤也若和風欲曙搖  
露氣於春林其秉艷也似涼雨半晴懸日光於秋水衆轍

同遵者擯落羣心不際者探擬人也不幸而則亡名兮可  
大而不死君之栖遑自昔迷方逢時泰兮欲達聞數奇兮  
自傷屬文母之不運應才子之明敷援淪秀於蘭畹侍仙  
遊於柏梁命以著作拜之爲郎始翔鴛於清列旋禦魅於  
炎荒遺旅鴈兮超彭蠡作編人兮居越裳殊許靖之新適  
憶虞翻之舊鄉惟皇龍興再施法度拂洗溟渤騫翔雨露  
通籍於八舍禁門搖筆於萬年芳樹仰赤墀兮非遠謂白  
首兮方遇君病何病到此彌留藥雖餌兮寧愈針不及兮  
可憂雖則妙醫莫識實冀明神獲瘳嗚呼哀哉君之將亡

其言也善余向十旬日或再展君感斯意贈言宛轉識金  
石之契密悔文章之交淺命子誠妻旣懇且辨自予與君  
弱歲遊執文翰共許風露相挹況窮海兮同竄復文房兮  
並入川流遽閱隙電初過昔乘運兮如此今造冥兮若何  
懷君疇好兮恨已積念君近惠兮情倍多道之南宅困之  
東粟使君孤之有餘寧我家之不足籍籍流議喧喧薄俗  
名全每困於燦金身沒誰恨其埋玉空落長松千尺詎置  
生芻一束倬彼韋公贈殷禮縛善乎崔子理感情屬相識  
有素見賢增勖登君詞賦於雲臺之上藏君齒髮於綠山

之曲綠氏山兮山上雲秦城郊兮郊外墳孟冬十日兮共  
歸君君有靈兮聞不聞我咀瑤屑君知自久坐泣焚芝遙  
哀晝柳闕視祖載爰遺卮酒願歌悲誠將告良友尚饗

祭禹廟文

維大唐景龍三年歲次己酉月日越州長史宋之間謹以  
清酌之奠敢昭告於夏后之靈昔者巨浸橫流下民交喪  
惟后得流星貫昴之夢受括地理水之符底定九州弼成  
五服遂類上帝乃延羣公自有生靈樹之司牧大災莫踰  
於堯日勤人不越於夏君向微隨山奠川之功蒼生爲魚

至今二千九百年矣肇爲父子始生君臣興用天之道廣  
分地之利者嗚呼皆后之功也之間移班會府出佐計鄉  
遂得載踐遺塵遠探名穴朝玉帛於斯地聲存而處亡留  
精靈於此山至誠而響發悲夫井家相連於今幾年當其  
葬也上不通臭下不及泉棺絞葛兮墳收壤鳥耘荒兮象  
耕田先王爲心享是明德後之從政忌斯姦慝酌鏡水而  
勵清援竹箭以自直謁上帝之休佑期下人之蘇息日之  
吉神之歆激楚舞奏越吟芳俎溢醇罍深遺羞厭於魚鳥  
餘憑醉於山林忽雲搖兮鳳舉空壽堂兮陰陰

欽定全唐文卷二百四十二目錄

李嶠

一

楚望賦

有序

授于惟謙給事中制

授劉如玉崔融等右史制

授楊泚通事舍人制

授豆盧欽望秋官尚書制

授武攸寧冬官尚書制

授唐奉一兵部侍郎制

授崔元暉庫部員外郎制

授崔昇等侍御史制

授馮嘉賓左臺監察御史制

授武重規司屬卿制

授豆盧欽望太府卿制

授宋元爽司膳少卿制

授張沛司膳少卿制

授杜景佺司刑少卿制

授徐有功司刑少卿制

授張昌宗麟臺監制

授王方慶麟臺監修國史制

授敬暉營繕少監制

授皇甫文脩營繕少監制

授崔融著作郎制

授崔挹成均司業制

授烏薄利左金吾衛大將軍制

授武懿宗武重規左右金吾衛大將軍制

授王方慶左庶子制

授于復業太子中允制

授壽春郡王成器太子左贊善大夫制

授成善威甘州刺史卜處沖龍州刺史制

授坊州刺史豆盧志靜等官制

授張元福勝州都督府長史制

授陳璲涼州都督府長史制

授杜從則雍州司馬制

授吉義福等鄆州都督府司馬制

授鄭仙客長安縣令制

授元素履臨江縣令制

授李承嘉太原縣令制

授趙崇嗣南由縣令陳義全潼關令制

授高昌首領子麴元福蒲類縣主簿制

封右武威衛將軍沙叱忠義廊國公制

封烏薄利歸義縣開國子制

封劉瑨彭城縣開國男制

授沙叱忠義右金吾衛將軍駱務整左武威衛將

軍制

授宣城縣令儲孝任等加階制

授右衛親府中郎將裴思諒等加階制

授通州刺史于光遠等加階制

上應天神龍皇帝冊文

欽定全唐文卷二百四十二

李嶠 一

嶠字巨山趙州贊皇人舉進士累遷麟臺少監聖歷初同鳳閣鸞臺平章事轉成均祭酒罷知政事檢校文昌左丞長安三年復以本官平章事中宗朝封贊皇縣公拜中書令加修文館大學士進封趙國公元宗踐位以中宗時嶠密表相王諸子勿留京師下制放斥尋起爲廬州別駕卒年七十

楚望賦

有序

序曰登高能賦謂感物造端者也夫情以物感而心由目暢非厯覽無以寄杼軸之懷非高遠無以開沈鬱之緒是以騷人發興於臨水柱史詮妙於登臺不其然歟蓋人稟性情是生哀樂思必深而深必怨望必遠而遠必傷千里開年且悲春目一葉早落足動秋襟坦蕩忘情臨大川而永息憂喜在色陟崇岡以累嘆故惜逝慙時思深之怨也搖情蕩慮望遠之傷也傷則感遙而悼近怨則戀始而悲終達節宏人且猶軫念苦心志士其能遺懷是知青山之上每多惆悵之客白蘋之野斯見不平之人良有以也余

少厯艱虞晚就推擇揚子甘泉之歲潘生秋興之年曾無  
侍從之榮顧有池籠之嘆而行藏莫寄心跡罕并歲月推  
遷志事遼落棲遑卑辱之地窘束文墨之間以此爲心心  
可知矣縣北有山者即禹貢所謂岐東之荆也岩堦高敞  
可以遠望余簿領之暇蓋嘗遊斯俯鏡八川周睇萬里悠  
悠失鄉縣處處盡雲煙不知悲之所集也歲聿云暮遊子  
多懷援筆慨然遂爲賦云爾

眇乎忽然高山之顛露團團而濕草風烈烈而鳴泉對蒼  
茫之寒日聽蕭瑟之悲蟬廓獨處而無晤吾凝睇乎八埏

於是繁懷載紆積慮未豁生遠情於地表起遙恨於天末  
霜盡川長雲平野闊恨遊襟之浩蕩憤羈怨之忉怛寂焉  
長想倏若有亡固將言而已歎信無哀而自傷撫余情之  
增轉悼人事之多戚曾浮促之幾何而思緒之纏邈思何  
憂而不入心何慮而不攢雖感目之一致終寄懷而百端  
若乃平原杳兮千里春晴山杳兮萬里新迷故鄉之處所  
滅愛舊之聲塵願寄言而靡託思假翼而無因徒極睇而  
盡思終天性而傷神或復天高朔漠氣冷河關漢塞鴻度  
吳宮燕還對落葉之驅壽怨浮雲之慘顏爾乃永眺無見

端居不聊

音留

愴歸軒之寂寂傷遠客之悠悠月臨城曉風

送邊秋唳鶴聞兮炯不寐凝笳動兮此夜愁及夫寒野蕭

條空山寂寥目鄙郢而途眇指邯鄲而路遙傷永離兮浦  
曲決遠送兮河橋眺平蕪之漫漫瞻遠樹之迢迢佞性直

視嗌兮魂銷形將槁木同植心與飛蓬共飄至如隴上從

軍漢

疑

陽謫戍插羽朝急要鞭夜赴黯黯塞雲蒼蒼關樹

甘埋影於異域暫回首於歸路魂逝兮邑里目斷兮煙霧  
步將前而復留望欲罷而還顧覩驚塵之歛起見征羽之

將度泉石愴而增咽行旅悲而失措亦有擣衣思婦織錦

佳人看粉黛兮無色視桃李兮非春君去兮還無期妾心  
兮私自悲高臺四望杳無極天涯一去何盡時天涯兮縣  
縣問道路兮將幾千朝朝暮暮綺牕前長懷此恨終永年  
若夫羈旅失職之人放逐流離之客羌抱恨而誰訴塊緘  
愁而不釋於是窮澤際天滄流拂漢屬榮悴兮時改遇炎  
涼兮節換莫不瞻草木而孤絕向風煙而永歎故夫望之  
爲體也使人慘悽伊鬱惆悵不平興發思慮震蕩心靈其  
始也罔兮若有求而不致也悵乎若有待而不至也悠悠  
揚揚似出天壤而步雲莊逡逡巡巡若失其守而忘其真

羣感方興衆念始并既情招而思引亦目受而心傾浩兮  
漫兮終逾遠兮肆兮流兮宕不返兮然後精迴魄亂神荼  
志否憂憤總集莫能自止雖剛悍武力之夫法度禮容之  
士孰不解威失毅廢綱遺紀借使據河負海牛山之美可  
遊左江右湖京臺之樂難忘闕邈千秋金石悲兮綺羅傷  
顧山川以永慨邀山月而詎央乃若羊公愴惻於峴山孔  
宣憫然於曲阜王生臨遠而沮氣顏子登高而白首惟夫  
作聖明哲寬和敦厚亦復怛色愀容喪精虧壽故望之感  
人深矣而人之激情至矣必也念終懷始感往悲來公未

形而至造思繫無而生哀此歡娛者所以易情而慨慷達識者所以凝慮而徘徊者也

授于惟謙給事中制

鸞臺文昌右司郎中于惟謙局量宏深理識精遠幹能兼備詞學並優會府提綱雖佇才用鎖闈待問更資宏益宜登侍從之職以光清切之署可朝請大夫守給事中

授劉如玉崔融等右史制

鸞臺朝散大夫行太子舍人劉如玉朝散大夫檢校麟臺著作佐郎崔融等並言芳蘭芷行溫珪璧或譽美銅樓或

名高石室記言之重選衆尤難宜收博辨之才俾居良史  
之任並可行右史散官如故

授楊泚通事舍人制

勅朝散大夫行通事舍人員外置同正員楊泚肅承簪笏  
頗著聲芳趨奉軒墀兼効勤恪宜加恩命俾從優獎可檢  
校通事舍人散官如故

授豆盧欽望秋官尚書制

鸞臺天作機衡實惟北斗朕之喉舌其在南宮揆德而居  
非才莫可新除司府卿上柱國芮國公豆盧欽望踐仁履

義抱質含文出莊藩條具聞威惠入爲朝諫多所宏益立身必由於清謹處職無廢於忠勤外府國泉雖藉幹用中臺天憲更資明允宜膺尚德之舉令踐詰奸之位可銀青光祿大夫守秋官尚書勲封如故主者施行

授武攸寧冬官尚書制

鬻臺事典職隆禮闈望切自非明德莫允具瞻具官建昌郡王攸寧道臻八元名高兩獻行兼爲善業茂多才待問七車屢聞獻替參司百揆多所宏益頃以牙璋首路羽檄乘邊委以罇俎之謀藉其股肱之用而卑以自牧成而不

居固守鳴謙願辭劇職重違雅志用成其美宜遷九法之司回典百工之任可冬官尚書封如故

授唐奉一兵部侍郎制

鸞臺參貳百揆樞衡九法是司邦政尤切帝難具官唐奉一字量深明襟懷雅正文場得雋翰苑推工瑣闈內朝致延譽之美珪符出守樹威恩之績永言禁暴事切安人俾昇五戎之府佇諧九流之選可夏官侍郎

授崔元暉庫部員外郎制

鸞臺朝散大夫行尚方監丞崔元暉理懷沈正文藝優深

內府策名已馳聲績中臺揆務更佞性能宜收起草之才  
俾昇握蘭之位可行文昌庫部員外郎散官勲如故主者  
施行

授崔昇等侍御史制

勅承議郎前行鼎州司兵參軍崔昇等學可從政文能按  
章幹局並優清勤咸著丹墀持法既佞性才自簡繩違尤  
資器識宜膺石室之命俾參鐵冠之侶可依前件

授馮嘉賓左臺監察御史制

勅通直郎行瀛州河間縣丞馮嘉賓砥礪名節恭勤職務

幹能兼備清直有聞黃綬隨班未展才用繡衣莅事方觀  
舉察可行左肅政臺監察御史散官如故

授武重規司屬卿制

鬻臺百工惟時必在推擇九族既睦仍資敦敍右千牛衛  
大將軍上柱國高平郡王重規宗室儀表衣冠領袖有姬  
旦之藝兼劉蒼之善出居連帥功名著於兩河入奉鈞陳  
誠款申於八校本枝望重河海職隆宜輟掌於魚鈴俾專  
司於麟族可司屬卿敷封如故主者施行

授豆盧欽望太府卿制

鸞臺宗卿之任選衆尤切銀青光祿大夫檢校司禮卿上  
柱國芮國公豆盧欽望體業貞簡幹能詳備厯官中外具  
聞政績象河惟月太府國泉繁要所鍾委任斯在宜加榮  
擢允茲公議可太府卿勲封如故主者施行

授宋元爽司膳少卿制

勅朝請大夫守司僕少卿宋元爽藝能詳洽局量優深踐  
行不虧厯官著稱參守僕正以表公勤可兼檢校司膳少  
卿餘如故

授張沛司膳少卿制

鬻臺新除齊州刺史張沛禮義高族忠賢令緒才優識通  
學敏詞贍實蘊幹時之具雅懷在公之節絃歌出撫亟動  
於謳謡符傳所經必聞於課最允稱衣冠之望是謂廊廟  
之珍三署爲卿九流莫尚宜迴負海之駕俾登象河之列  
可司膳少卿主者施行

授杜景佺司刑少卿制

鬻臺銀青光祿大夫守秋官尚書上柱國杜景佺薄有吏  
能頗閑時務比加獎擢令典樞衡乃輕違憲章私樹恩福  
罔懷緘慎屢有洩言朕情在含宏不忍寘之嚴憲五曹顯

秩非可濫居九列通班冀當自効可司刑少卿勲如故主者施行

授徐有功司刑少卿制

鸞臺中散大夫行文昌左司郎中東苑縣開國男徐有功器局宏深文藝優贍秉節守義直道正辭繩準憲曹樞機會府咸歸平恕雅有聲績獄吏輕重人咨胥怨天工推擇朕之所難選衆而居庶乎不濫可守司刑少卿散官勲如故主者施行

授張昌宗麟臺監制

鸞臺校理文籍緝宣大典惟國所重非才勿居新除右散  
騎常侍中山縣開國男張昌宗鐘鼎盛門珪璋重器資忠  
履孝遊藝依仁碩學惣於邱墳高才軼於睢渙資澹雅之  
操無欲無營體撫謙之風不矜不伐每懷五嶽之舉期陟  
九仙之路雖混濟之量未去朝廷而元遠之心恒對山水  
頃立功祠廟欲以致福朕躬嘉其懇誠用增顯秩而有懷  
難進深懼將滿固辭侍從之班願在優游之地子雲寂寞  
雅好文詞季長博通堪典經史宜因松柏之性處以蓬萊  
之山可麟臺監餘如故

授王方慶麟臺監修國史制

鸞臺芸閣祕文蓬山奧府是爲國重尤切帝難銀青光祿大夫行鳳閣侍郎同平章事上柱國石泉縣開國子王方慶鍾鼎高門簪纓舊德學富今古才優舒向自參機密亟改涼暄謇諤之風不忘於獻替謙挹之美屢陳於衰病西垣掌誥雖藉謨猷東觀屬詞更資通博宜輟鳳凰之省俾緝麒麟之署可麟臺監仍修國史勲封如故主者施行

授敬暉營繕少監制

勅前中大夫檢校洛陽縣令上柱國平陽縣開國男敬暉

體業端詳識用強濟護衣仙閣已著聲芳制錦神畿遠聞  
課績杼人務切棘署名高宜回三善之能令得百工之任  
可檢校營繕少監散官勲封如故

授皇甫文佾營繕少監制

鬻臺正議大夫行司刑少卿皇甫文佾早預衣簪累居清  
顯恭勤無怠歷職有聲徽纏爲官已淹歲序斧斤成用更  
佇才能宜輟掌於棘庭俾昇營於梓匠可行營繕少監散  
官如故主者施行

授崔融著作郎制

鸞臺具官崔融長才廣度贍學多聞詞麗楊班行高曾史  
外臺美其方正中省推其良直永言司典尤俟得人載筆  
西垣旣藉微婉紬文東觀更資博通宜昇著作之庭兼踐  
記言之地可著作郎仍兼右史內供奉官

授崔挹成均司業制

鸞臺太中大夫使持節博州諸軍事守博州刺史崔挹懷  
才抱器悅禮敦詩博究毀陵深窮壞壁秦章漢綬雖踐吏  
途魯衣宋冠無輟儒行虎門齒胄蟻術橫經重道尊師於  
是乎在宜罷外臺之任俾昇上庠之秩可行成均司業散

官如故主者施行

授烏薄利左金吾衛大將軍制

鸞臺冠軍大將軍行右豹韜衛將軍員外置檢校源州都督良鄉縣開國男烏薄利族茂蕃庭位參朝佐懷恩慕化守義全忠宜錫殊榮以旌美烈可左金吾衛大將軍主者施行

授武懿宗武重規左右金吾衛大將軍制

鸞臺昔程李二將分領東西之宅周召兩藩並行南北之化兼此重務允歸賢戚右金吾衛大將軍兼檢校洛州長

史上柱國河內郡王懿宗司屬卿兼檢校并州長史上柱  
國高平郡王重規並麟趾英髦犬牙良翰承朱紱之寵命  
奉彤弓之征伐勲藏天府名入史圖或誰何傲巡忘晝夜  
之倦或敦敘宴翼協親疎之理題輿河輔而桴鼓希聞別  
乘汾垌而狴牢不葺勤誠著於文武美績宣於内外爪牙  
任切都輦寄深求賢審官不踰伯叔之國叶心共理佇觀  
兄弟之政懿宗可左金吾衛大將軍依舊檢校洛州長史  
重規可右金吾衛大將軍依舊檢校并州長史勲封如故  
主者施行

授王方慶左庶子制

鸞臺昇降銅樓輔弼玉裕必求時望以隆國本麟臺監王  
方慶盛門良緒敏學豐才道藝夙彰言行無玷備歷清顯  
式昭幹具體溫恭之性造次不違守廉退之風終始若一  
實舊德之明允見通人之老成昔張良以三傑之才始傳  
儲右史丹資八舍之重方護春宮簡賢任能抑有前事宜  
膺九德之選用光三善之業可行太子左庶子散官勲如  
故

授于復業太子中允制

鸞臺新除朝議大夫守隨州刺史于復業志識端雅藝能詳洽旣罷臺閣方驅節傳銅樓依俊銀榜翹賢漢水觀風且輒形嶠之務瑤山聽樂宜煦黃離之景可守太子中允散官如故主者施行

授壽春郡王成器太子左贊善大夫制

鸞臺相王男壽春郡王成器毓彩桂山承規椒掖韶容霞舉美志月將望苑翹才瑤山佇俊宜參多士之選俾從正人之列可中大夫太子左贊善大夫勲封如故主者施行

授成善威甘州刺史卜處沖龍州刺史制

鸞臺壯武將軍行定王左親事府典軍上柱國成善威效  
績藩邸宣功戎陣新除中大夫守甘州刺史上柱國卜處  
沖久參武衛夙奉文槐張掖遐陬老縣故俗地連荒憬人  
藉撫循寄以厚城佇觀美績善威可使持節甘州諸軍事  
守甘州刺史處沖可使持節龍州諸軍事守龍州刺史散  
官勲如故仍並馳驛赴任主者施行

授坊州刺史豆盧志靜等官制

鸞臺大中大夫坊州刺史上輕車都尉郢城郡開國公豆  
盧志靜等登朝受服咸積歲年莅職當官並有聲稱與我

共理實存咨岳代天無曠受任得人分命良材佇觀美績  
可依前件主者施行

授張元福勝州都督府長史制

鷺臺寧遠將軍守右衛彭池府右果毅都尉張元福素閑  
武略兼有吏能荷戟臨戎屢陪蒼兕之陣題輿撫俗庶清  
白羊之黨可朝議大夫行勝州都督府長史仍馳驛赴任  
主者施行

授陳璲涼州都督府長史制

鷺臺邢州司馬上柱國陳璲智足禦戎才堪理劇題輿趙

北未展器能分乘河西佇清邊徼假以優命行觀成績可  
朝散大夫守涼州都督府長史勲如故主者施行

授杜從則雍州司馬制

鸞臺中大夫檢校上方少監杜從則體素端固器識通敏  
驅策自久績効有聞作貳神州實資幹用兼司劇署載佇  
公勤宜踐新榮仍兼舊職可雍州司馬兼知尚方少監事  
主者施行

授吉義福等鄯州都督府司馬制

鸞臺檢校河源軍營田游擊將軍守左衛杜陽府左果毅

都尉員外置上柱國吉義福等勤績兵欄効申田祖五戎  
旣戢萬庾斯殷宜輟掌於連營俾收功於別乘可鄆州都  
督府司馬

授鄭仙客長安縣令制

勅朝散大夫行鼎州長史鄭仙客識量淹通理懷沈正攝  
官無怠厯職有聲三輔名畿五方雜俗求人之瘼惟帝所  
難宜遷題坐之風俾試鳴絃之化可檢校長安縣令散官  
如故

授元素履臨江縣令制

勅奉議郎行涪州隆化縣闕元素履綰銅兩穴遊刃三巴  
府推其能人便其政賓寮懸仰蠻漢謳吟宜遂所祈以終  
美績可忠州臨江縣令

授李承嘉太原縣令制

勅通議大夫前守文昌司勲員外郎李承嘉擢秀士林昇  
榮禮閣公勤無怠幹制有能既修太原是惟舊國爰制美  
錦實佇良材宜錫崇班佇聞異績可檢校并州太原縣令  
散官如故仍馳驛赴任

授趙崇嗣南由縣令陳義全潼關令制

勅朝議郎前行慶州同川縣丞趙崇嗣儒林郎守蓬州大  
寅縣丞陳義全等或典農朔陲致京庾之積或驅驛巴徼  
有綏輯之功且敘成勞俾無遺賞崇嗣可行隴州南由縣  
令義全可守潼關令散官並如故

授高昌首領子麴元福蒲類縣主簿制

勅麴元福拔跡輪臺策名會府宜受芝泥之命往參蒲海  
之邑可將仕郎守北庭蒲類縣主簿

封右武威衛將軍沙叱忠義郎國公制

鸞臺清邊中道前軍總管冠軍大將軍行右武威衛將軍

上柱國賓山郡開國公沙叱忠義三韓舊族九種名家夙  
奉戎麾遂參文衛蕃夷豕荐虜騎蜂屯頻出奇謀屢摧凶  
黨昔臨鴈塞能羈縛馬之妖今拒狼河更翦奔鯨之孽勤  
功允著誠効克宣宜酬矢石之勞用廣山河之賦可封鄜  
國公食邑三千戶主者施行

封烏薄利歸義縣開國子制

鸞臺左金吾衛大將軍員外置檢校源州都督烏薄利家  
近圓城任隆方岳惠洽藩部功宣朝廷扶津構虐燧穴生  
氛能拒妖凶固守臣節踰馬韓而獻冊汎鯨海而申虔計

議並深忠懇咸到書勞有典方隆將帥之班舉善不遺宜  
拓公侯之宇可左金吾衛大將軍員外置同正員仍封歸  
義縣開國子食邑一千戶主者施行

封劉瑨彭城縣開國男制

鸞臺朝散大夫行左肅政臺監察御史劉瑨執簡當朝秉  
軺撫俗効彰伏柱勤深攬轡堅貞之操旣申於柏臺利建  
之榮宜及於茅社可封彭城縣開國男食邑三百戶主者  
施行

授沙叱忠義右金吾衛將軍駱務整左武威衛將

軍制

鸞臺辭第鑿門允稱鼓鼙之將列位疏爵是爲廟堂之賞  
冠軍大將軍行右武威衛將軍檢校左羽林衛上柱國鄭  
國公右奉宸內供奉沙叱忠義遼東壯傑名蓋於狼河東  
武威衛將軍員外置同正員右奉宸內供奉駱務整薦北  
雄渠氣高於龍塞並受登壇之任俱懷出閫之畧或輕齋  
絕險以應青邱之別軍或高壘抗威以要黑山之潛遁兵  
強由算師克在和爰清食毳之祆遂廓浮鼈之黨操袂成  
市執祛盈路屈指告捷未待於經年疇庸冊勲豈假於踰

月宜膺剖珪之錫兼峻銜珠之寵忠義可行右金吾衛將軍餘如故務整可左武威衛將軍封盧龍縣開國男食邑三百戶餘如故主者施行

授宣城縣令儲孝任等加階制

鸞臺朝議郎行宣州宣城縣令儲孝任等並早從推擇久著勤勞績茂綰銅時逢檢玉千齡有慶旣屬休符百里能官宜從榮獎可依前件主者施行

授右衛親府中郎將裴思諒等加階制

鸞臺宣威將軍守右衛親府中郎將檢校左羽林衛上柱

國裴思諒等八屯五校俱奉職司三垓九挺咸屬休慶錫  
以班秩用存優獎可依前件主者施行

授通州刺史于光遠等加階制

鸞臺中散大夫使持節通州諸軍事守通州刺史于光遠  
等並資才藝咸剖符竹勤勞有積聲望俱優神岳泥金明  
堂會玉頒賞行慶宜加恩獎可依前件主者施行

上應天神龍皇帝冊文

維神龍三年歲次丁未九月景申朔五日庚子具官某及  
文武羣官等謹昧死再拜稽首奉冊言爰自厥初肇興司

牧皇矣撫極蒸哉察道莫不因時適變改物殊微推五運  
而陟崇高步三微而膺厯數天地人皇之立稱始別洪荒  
唐虞夏帝之居尊漸詳文質姬水以椎輪發號烈山以斲  
耒增名然後仁被德宣功昭業遠厯訪前古茲爲舊式我  
大唐受乾坤之眷命當寓縣之謳歌奄有蒸黎遂荒寢象  
應天皇帝陛下垂旒御舜截海披圖承四業之休光握三  
靈之寶契虞舜蒸蒸之德永錫羣方周文翼翼之心其凝  
庶績驅齊民於仁壽致雅俗於醇釀六府咸修五兵不用  
航海梯山之客奉贊輸琛耕田鑿井之夫擊壤鼓腹中外

靜謐表裏雍熙而孽子滔天亂臣干紀謀同觸瑟禍劇弄  
兵不虞之災忽生於肘腋無象之鑒獨憤於神祇於時兇  
豎逼樓聖君憑檻威靈下濟覺封豕之周惶醜逆上瞻見  
神龍之傅翼寶仗似億千之衛天儀成丈六之容衆瑞俱  
臨羣祆大駭盡迷方而失據咸喪氣而亡精顧眄而斬馘  
舉屍指揮而冰銷霧廓雖復草爲兵甲秦師驚蔣帝之神  
樹作幡幢釋主屈魔王之衆蛇軀之變媧后蛟影之隨漢  
高未足以匹此奇徵方斯偉應自非冥符幽贊睿感潛通  
何以承波若之護持享高明之福助昔者伏牛之主是曰

儀皇名鳥之君仍題鳳紀法身用馬鳴成道上士以龍德爲仙敢託元符爰咨故實謹上尊號曰應天神龍皇帝鴻猷載肇昌歷惟新庶以仰順乾心俯從人欲天長地久更隆四大之尊名玉振金聲恒爲百王之稱首盛矣美矣皇帝哉唐哉臣某等誠歡誠喜頓首頓首死罪死罪再拜以聞